

禽虫典

禽蟲典第七十九卷

駮部彙考

釋名

茲白
汲冢周書

駮圖



爾雅 釋畜

駮如馬鋸牙食虎豹 疏駮亦野馬名也其狀如馬其牙鋸曲而食虎豹也詩秦風云隰有六駮傳

引此文以釋之是也

山海經 西山經

中曲之山有獸焉其狀如馬而白身黑尾一角虎牙爪音如鼓音其名曰駮是食虎豹可以禦兵

郭曰爾雅說駮不道有角及虎爪駮亦有畏獸書中養之辟兵刃也 任臣案晉平公獵遇虎虎

伏於道問師曠曠曰臣聞駮馬伏虎豹意君所乘者駮馬乎又宋史載順州山中有異獸如馬而

食虎豹北人不能識問劉敞敞曰此駮也爲說其狀且誦山海經管子書曉之汲冢瑣語曰駮馬

能食虎豹邢氏爾雅疏曰駮亦野馬名秦風隰有六駮嚴粲音剝陸璣云駮馬梓榆也以其木皮

似駮馬故名之王會篇義渠以茲白注茲白一名駮近宋廉憲於秦中見駮一角虎蹄食四虎云

海內北經

北海內有獸焉其名曰駮狀如白馬鋸牙食虎豹 郭曰周書曰義渠茲白茲白若白馬鋸牙食虎

豹按此二說與爾雅同 任臣案說苑師曠云駿驥食豹豹食駿駿食虎又獸之食虎豹者復有渠搜鼯鼠穀青腰狻猊曾耳虎鷹渠搜卽鼯犬一名露犬穀一名黃腰

爾雅翼 六駿

六駿如馬白身黑尾一角鋸牙虎爪其音如鼓喜食虎豹蓋駿毛物既可觀又似馬故馬之色相類者以駿名之子虛賦曰楚王乃駕馴駿之駟西京賦曰六駿駿甚吳都賦曰驀六駿駕乘也驀上馬之名也說者謂取六駿之獸馴而擾之以當駟馬夫駿牙爪如此安可馴擾唯薛綜解西京賦以爲六駿駿者白馬而黑文畫而如虎者解駿爲馬是也駿用黑畫耶與文馬朱鬣者相類特不知馬之類蓋有自然似駿者耳管子稱威公乘馬虎望見之而伏以問管仲管仲曰意者君乘駿馬而洧柏迎日而馳乎公曰然駿象也駿食虎豹故虎疑焉說苑亦稱晉平公出畋見乳虎伏而不動以問師曠曠曰鵲食蛸蛸食駿駿卽驥驥食豹豹食駿駿食虎夫駿之狀有似駿馬今者君之出必驂駿馬而出畋乎公曰然二說相似是爲有自然似駿之獸者因以駿名也或言駿食虎豹或言豹食駿爲稍異耳一名茲白周書王會篇曰正北方義渠以茲白茲白者若白馬鋸牙食虎豹卽此物也又大

夏以茲白牛不知何物也劉原父奉使契丹時聞順州山中有異獸如馬食虎豹虜人不識以問之曰此所謂駮也爲言其形狀聲音皆是虜人歡服

駮部藝文一

駮贊

晉郭璞

駮惟馬類實畜之英騰鬣驤首噓天雷鳴氣無不凌吞虎辟兵

駮部藝文二 詩

送張秀才從軍

唐李白

六駮食猛武馳從驚馬羣一朝長鳴去矯若龍行雲

駮部紀事

汲冢周書王會解正北方義渠以茲白茲白者若白馬鋸牙食虎豹 注亦在臺北與大厓相對義渠

西戎國茲白一名駮者也

北齊書張華原傳華原爲兖州刺史使人懷感附寇盜寢息州獄先有囚千餘人華原皆決遣至年暮

惟有重罪者數十人華原亦遣歸家申賀依期至獄先是州境數有猛獸爲暴自華原臨州忽有大駁食之咸以化感所致後卒官州人大小莫不號慕

杭州府志順治十年夏四月餘杭諸鄉有虎警邑之太璞山前後忽見一巨獸馬形高可八尺長丈餘紫鬣披覆如髮白黑尾人不敢近僅遙矚焉每逐虎至水涯而食之食間則飲水以潤吻嗣是虎患頓息歷四月五月不知所之竟向所食虎處惟見虎頭足四具及殘骨而已考之爾雅曰駁如馬鋸牙食虎豹此卽是也

駁部雜錄

談苑馬子烝其母則生駁馬此逆亂之氣所爲也

空同子乾爲駁馬駁鉅牙食虎豹一名茲白空同子曰凡物食物天生相制之義非但力之也駁未必力虎豹虎豹食鹿豕牛馬鹿豕牛馬見之則顫而尿斯有制之者非力之罪也如豺小而降虎豹是也

貉部彙考

釋名

貍
貓子

爾雅

貍
貓雌者

爾雅註

貍圖



周禮 冬官考工記

貉踰汶則死此地氣然也

訂貉注謂善緣木之猿也踰汶則死亦地氣不宜爾

鄭鐸曰非其地

則不能以一日生故貉踰汶水則必死

爾雅 釋獸

貉子貍

注

其雌者名貉今江東呼貉爲狹狹

疏

字林云貉似狐善睡其子名貍狹狸類貌謂之狹

廣雅云狹貌也然則皆貉之通名也

狸狐獬独醜其足蹠

注

皆有掌蹠

其跡爪

注

爪指頭處

疏

具指頭著地處名爪

埤雅 貉

字林曰貉似狸善睡狐善疑貉善睡故狐貉之厚以居也其營窟與貉皆爲曲穴以避雨暘亦以防患故淮南子曰螳知爲埵貉貉爲曲穴虎豹有茂草野彘有芄蔭以防雨景以蔽日此亦鳥獸之所以智也俗云獾貉同穴而異處獾之出穴以貉爲導詩曰一之日于貉取彼狐狸爲公子裘言往

祭表貉因取狐狸之皮爲裘故傳曰于貉謂取狐狸皮也周官所謂祭表貉卽此于貉是也考工記曰貉踰汶則死此言邦域殊氣各有所宜故周官以土宜之法辨十有二土以蕃鳥獸以毓草木也釋獸云貉子獬子獮而伐檀之詩一章曰胡瞻爾庭有縣貍兮二章曰特三章曰鶉貍小而特大鶉則尤小以言在位貪殘無功而受祿其後已悉如此南方異物志曰傳言貉不踰汶鸛鵒不踰濟狐不渡江而南橘不越江而北區宇之內咫尺不同而況分之華夷限以山海魁詭倏怪可勝言哉字說曰貉善睡則於宜作而無作於宜覺而無覺不可以涉難矣舟以涉難利則涉否則止舟在右能止者也又作貉貉之爲道宜辨而各故孔子狐貉之厚以居貉辨而各故少乎什一謂之大貉小貉無諸侯幣帛饗殮百官有司以爲貉道也

爾雅翼 貉

貉善睡之獸似狐畜而養之扣之卽悟已而復寐豳詩曰一之日于貉取彼狐狸爲公子裘夫所取狐狸爾而謂之于貉者周人將獵則先祭貉故謂獵爲貉周禮曰祭表貉則爲位蓋籩之將出貉爲先導表貉之所在知獸之所聚故祭而取之穆天子傳曰天子獵於漆澤於是得白狐元貉焉以祭

於河宗此周禮獵祭貉之驗也亦萬物之所生貉之踰汶則死豈主於河耶孔子狐貉之厚以居者所以利用安身也先事而慮有若狐者焉所以爲利用無事而息有若貉者焉所以爲安身又聖人之居所以致其辨狐孤也貉各也狐一羣而不二惟貉與獾同穴而異處可以致其辨矣獾子獾其雌者名貌今江東呼貉爲狹詩義問曰狐之類貉獾狸也貉子曰貉貉形狀與貉異世人皆名貉貉子似狸然則貉之爲貉又取於此說文狐貉从象从舟而謂貉爲北方豸種其字从各爲蠻貉之貉此但據論語說之耳貉亦善捕說文曰猴猿失木禽於狐貉者非其處也

獸經 貉愚

貉愚而全 字林曰貉似狸善睡然其營窟與獾皆爲曲穴以避雨暘亦以防患

本草綱目 釋名

李時珍曰按字說云貉與獾同穴各處故字從各說文作獾亦作貉爾雅獾子曰貉音陌其子曰獾音惱原本以貉作獾者訛矣

集解

寇宗奭曰貉形如小狐毛黃褐色李時珍曰貉生山野間狀如狸頭銳鼻尖斑色其毛深厚溫滑可爲裘服與獾同穴而異處日伏夜出捕食蟲物出則獾隨之其性好睡人或蓄之以竹叩醒已而復寐故人好睡者謂之貉睡俗作渴睡謬矣俚人又言其非好睡乃耳聾也故見人乃知趨走考工記云貉踰汶則死土氣使然也王浚川言北曰狐南曰貉星禽書言氏土貉是千歲獨狐化成者訛矣
肉氣味

甘溫無毒

主治

蘇頌曰元臟虛勞及女子虛憊

貉部紀事

穆天子傳甲辰天子獵于漆澤於是得白狐元貉焉以祭於河宗

宋書符瑞志晉成帝咸康八年十月燕王慕容皝上言白貉見國內

後秦記姚襄遣參軍薛瓚使桓溫以胡戲瓚瓚曰在北曰狐在南曰貉在所問也

墨客揮犀貉行十數步輒睡以物擊竹警之乃起既行復睡性嗜紙狀如兔毛質滑膩可愛予元符中於京師賣藥翁處見之

貉部雜錄

詩經豳風七月篇一之日于貉箋于貉往搏貉以自爲裘也朱注于貉猶言于耜謂往取狐狸也

淮南子原道訓鴈鵠不過濟陂渡汶而死形性不可易勢居不可移也

齊俗訓獫狁得茂木不舍而穴貉貉得埴防弗去而緣物莫不避其所利而就其所害注貉獫狁埴

水埴防隄也

修務訓獮貉爲曲穴

獮部彙考

釋名

山獮桂海獸志

水狗爾雅翼

水獮本草綱目

海獮本草綱目

獺圖



禮記 月令

孟春之月獺祭魚

注此時魚肥美獺將食之故以祭也

汲冢周書

時訓解

雨水之日獺祭魚獺不祭魚甲冑私藏

大戴禮記

夏小正

正月獺祭魚其必與之獻何也曰非其類也祭也者得多也嘗其祭而後食之十月豺祭獸謂之祭獺祭魚謂之獻何也豺祭其類獺祭非其類故謂之獻大之也

桂海獸志 山獺

山獺出宜州溪洞俗傳爲補助要藥洞人云獺性淫毒山中有此物凡牝獸悉避去獺無偶抱木而枯洞獺尤貴重云能解藥箭毒中箭者研其骨少許傳治立消一枚直金一兩人或求買但得殺死者功力甚劣

埤雅 獺

獺獸西方白虎之屬似狐而小青黑色膚如伏翼水居食魚孟子所謂爲淵毆魚者獺也亦自祭其先記曰獺祭魚然後漁人入澤梁是也獺取魚於水裔四方陳之進而弗食世謂之祭魚其字从賴與豺从才同意舊說熊食鹽而死獺飲酒而斃此類之不推也淮南子曰鵠巢知風之自獺穴知水之高下言歲多風則鵠作巢卑水之所及則獺移穴其預知有如此也或曰獺一歲二祭豺祭魚獺祭圓言豺獺之祭皆四面陳之而獺圓布豺方布唐李商隱善屬文喜鋪陳檢閱時謂之獺祭魚字說曰豺亦獸也乃能獲獸能勝其類又知以時祭可謂才矣獺非能勝其類也然亦知報本反始非無賴者

爾雅翼 獺

獺如小狗水居食魚率以正月取魚於水旁四面陳之謂之祭魚獺不祭魚國多盜賊蔡邕月令章句曰獺毛蟲西方白虎之屬水居而殺魚者也春之時以乙柔配庚剛故金得殺於木毛蟲害魚於春陽自然之氣不爲妖異故以爲候祭者陳之陸地進而弗食獺歲常兩祭古者魚人候此而入澤梁故先儒言漁人之職歲五取魚則以孟春獺祭爲一季春薦鮓爲二秋獻龜魚爲三孟冬獺復祭

爲四季冬始漁爲五說者以祭爲祭天魏蔣濟則云豺獺自祭其先是皆不知者也其所陳之魚許叔重註淮南子則以爲用鯉東晉補南汝詩曰有獺有獺在河之渙凌波赴汨噬魴捕鯉嗷嗷林鳥受哺於子養隆敬薄惟禽之似獺能祭鳥能養故孝子以相戒則又魴鯉兼祭矣又古稱獺嗜鮓乃不避死魏徐邈畫板作鮓懸落水岸以誘白獺羣獺盡來一時執得性能知水之高下其爲穴必預度水所不至鄉人是以爲療水之候又有一種名獺陶隱居云獺獺形大頭如馬身似蝙蝠不入藥用藥當取以魚祭天者三蒼解語云獺似青狐居水中食魚說文亦云獺獺屬或從獺然則獺蓋莊子所謂獺獺狙以爲雌者以其能水能陸故與禺屬爲雌雄桑大夫曰水有獺獺而池魚勞國有強禦而齊民消淮南子曰養池魚者不畜獺獺謂是故也今人以種小者爲抓鮓言能抓鮓魚食之又有水鼠能入水伺大魚騎之以齧其尾魚以故不蕃然非獺類舊說諸畜肝葉數皆定惟獺肝一月一葉十二月則十二葉吳孫和常醉舞如意誤傷鄧夫人頰以百金求白獺髓爲膏以滅癰一名水狗每率以五更初出飲水知人欲取之則入石洞伺其祭魚則有鬪死者穴中有枯骨山海經云鰲山庸山之水出焉有獸名曰獺其狀如獐其尾如彘鬣

獸經 獺

獺祭以魚其陳也圓春漁候也 說文曰獺屬月令云孟春之月獺祭魚然後漁人入澤梁本草圖經云江湖間多有之北土人亦馴養以爲翫廣雅曰一名水狗然有兩種有獺獺形大頭如馬身似蝙蝠

本草綱目 山獺集解

李時珍曰山獺出廣之宜州峽峒及南丹州土人號爲插翹其性淫毒山中有此物凡牝獸皆避去獺無偶則抱木而枯猺女春時成羣入山以采物爲事獺聞婦人氣必躍來抱之次骨而入牢不可脫因扼殺之負歸取其陰一枚直金一兩若得抱木死者尤奇貴峒獺甚珍重之私貨出界者罪至死然本地亦不常有方士多以鼠璞猴胎僞之試之之法但令婦人摩手極熱取置掌心以氣呵之卽趯然而動蓋陰氣所感也此說出范石湖虞衡志周草窗齊東野語中而不載其形狀亦缺文也

陰莖氣味

甘熱無毒